

**RJEŠENJE
O IMENOVANJU VRŠIOCA DUŽNOSTI DIREKTORA
KANTONALNOG STAMBENOG FONDA SARAJEVO****I**

Aljović Almina imenuje se za vršioca dužnosti direktora Kantonalnog stambenog fonda Sarajevo.

II

Imenovanje iz tačke I ovog rješenja vrši se od dana imenovanja do okončanja procedure Javnog oglasa i konačnog imenovanja direktora, a najduže na period od tri (3) mjeseca od dana imenovanja.

III

Ovo rješenje stupa na snagu danom donošenja, a objavit će se u "Službenim novinama Kantona Sarajevo".

Broj 02-04-14135-27/24
21. marta 2024. godine
Sarajevo

Po ovlaštenju premijera
Ministrica
Darja Softić Kadenić, s. r.

Ministarstvo za boračka pitanja Kantona Sarajevo

Na osnovu člana 66. st. 1. i 2. Zakona o organizaciji organa uprave u Federaciji Bosne i Hercegovine ("Službene novine Federacije BiH", broj 35/05) i člana 58. Zakona o dopunskim pravima boraca-branitelja Bosne i Hercegovine ("Službene novine Kantona Sarajevo", br. 31/22 i 8/24), ministar za boračka pitanja Kantona Sarajevo donosi

INSTRUKCIJU**O IZMJENAMA I DOPUNAMA INSTRUKCIJE O
NAČINU IZVRŠENJA UPRAVNIH I STRUČNIH
POSLOVA U POSTUPKU ODLUČIVANJA O PRAVU NA
NOVČANU EGZISTENCIJALNU NAKNADU
DEMobiliziranih BRANILACA****Član 1.**

(Izmjena člana 1.)

U Instrukciji o načinu izvršenja upravnih i stručnih poslova u postupku odlučivanja o pravu na novčanu egzistencijalnu naknadu demobiliziranih branilaca ("Službene novine Kantona Sarajevo", broj 33/22) u članu 1. riječ i broj "broj 31/22", zamjenjuju se riječju i brojevima: "br. 31/22 i 8/24".

Član 2.

(Izmjena člana 3.)

Član 3. mijenja se i glasi:

"Član 3.

(Uvjeti za ostvarivanje prava)

- (1) Pravo na novčanu egzistencijalnu naknadu mogu ostvariti demobilizirani branioci koji ispunjavaju uvjete propisane članom 57. Zakona.
- (2) Pravo na novčanu egzistencijalnu naknadu može ostvariti supruga umrlog demobiliziranog branioca sve dok ne navrši 57. godina života ukoliko ne ostvaruje mjesečne prihode u iznosu većem od 50% minimalne penzije isplaćene u Federaciji Bosne i Hercegovine za mjesec decembar prethodne godine i ako je umrla bio pripadnik Oružanih snaga najmanje godinu dana.
- (3) U smislu uvjeta iz člana 57. Zakona, da podnosilac zahtjeva, odnosno umrli demobilizirani branioac mora biti pripadnik Oružanih snaga najmanje 12 mjeseci, u period učešća uračunavaju se i mjeseci provedeni u pripremama za odbranu počev od 18.09.1991. godine, kao i da ne

postoje okolnosti iz člana 36. Zakona o pravima branilaca i članova njihovih porodica "Službene novine Federacije BiH", br. 33/04, 56/05, 70/07, 9/10, 90/17 i 29/22).

- (4) U smislu uvjeta iz člana 4. Zakona da demobilizirani branioac ili supruga umrlog demobiliziranog branioca ima prebivalište/boravište na području Kantona Sarajevo podrazumijeva se da imaju prijavljeno prebivalište, odnosno boravište na području Kantona Sarajevo, najmanje deset godina neprekidno do 01.01. one godine u kojoj se predaje zahtjev za ostvarivanje ovog prava. Pojam "neprekidno" podrazumijeva i prekide u boravištu/prebivalištu, ne duže od tri mjeseca u toku jedne kalendarske godine, ukoliko se isti odnose na prijavu u mjesto prijeratnog prebivališta.
- (5) U smislu uvjeta iz člana 57. Zakona, da podnosilac zahtjeva-demobilizirani branioac mora biti prijavljen kao nezaposleno lice kod nadležne službe za zapošljavanje najmanje godinu dana prije podnošenja zahtjeva za ostvarivanje prava, navedeno se neće odnositi na podnosioca zahtjeva koji ovaj uvjet ne mogu dokazati iz razloga objektivne prirode (utvrđena nesposobnost za rad i privređivanje, ukoliko je korisnik penzije manje od 50% minimalne penzije isplaćene u Federaciji BiH za mjesec decembar prethodne godine i drugih objektivnih razloga po ocjeni prvostepenog organa).
- (6) U smislu uvjeta iz člana 57. Zakona, da podnosilac zahtjeva ostvaruje mjesečne prihode u iznosu manjem od 50% minimalne penzije isplaćene u Federaciji Bosne i Hercegovine za mjesec decembar prethodne godine, mjesečna novčana primanja djece ratnih vojnih invalida sa utvrđenim invaliditetom od 20 do 80% - dječiji dodatak, neće se uračunavati u mjesečna primanja podnosioca zahtjeva.
- (7) U prihode podnosioca zahtjeva ne uračunava se naknada za tuđu njegu i pomoć ostvarena u skladu sa odredbama Zakona o osnovama socijalne zaštite, zaštite civilnih žrtava rata i zaštite porodice sa djecom ("Službene novine Federacije BiH", br. 36/99, 54/04, 39/06, 14/09, 7/14 - Rješenje Ustavnog suda Bosne i Hercegovine, 45/16, 40/18 i 16/23).
- (8) Ukoliko demobilizirani branilac ili supruga umrlog demobiliziranog branioca ispunjava uvjete za priznavanje prava na novčanu egzistencijalnu naknadu po više osnova, tada navedeno pravo može ostvariti samo po jednom osnovu po vlastitom izboru.
- (9) U slučaju da lice iz stava (8) ovog člana koje uživa pravo na egzistencijalnu naknadu, naknadno podnese zahtjev za ostvarivanje navedenog prava po drugom, za njega povoljnijem osnovu, nakon provođenja postupka službeno lice će o prestanku ranije priznatog prava i priznavanju prava po povoljnijem osnovu riješiti jednim rješenjem, koje nakon toga podliježe nadzoru."

Član 3.

(Izmjena člana 4.)

- (1) U članu 4. stav (1) tačka (b) i stav (2) tačka (e) mijenja se i glasi:
"Uvjerenje o kretanju za podnosioca zahtjeva izdato od Ministarstva unutrašnjih poslova (ne starije od 30 dana),"
- (2) U članu 4. stav (1) tačka (d) i (f) riječi: "tri mjeseca", zamjenjuju se riječima: "30 dana".
- (3) U članu 4. stav (1) tačka (e) mijenja se i glasi:

- "e) Uvjerenje nadležne Porezne uprave da podnosilac zahtjeva u vrijeme podnošenja zahtjeva ne ostvaruje prihode veće od 50% minimalne penzije isplaćene u Federaciji BiH za mjesec decembar prethodne godine po bilo kojem osnovu (ne starije od 30 dana),"
- (4) U članu 4. stav (1) tačka h) iza riječi: "primanja", dodaju se riječi: "organ pribavlja službenim putem".
- (5) U članu 4. stav (2) tačka a), b), i) i j) riječi: "tri mjeseca", zamjenjuju se riječima: "30 dana".
- (6) U članu 4. stav (2) u tački c) iza riječi: "zajednicu", dodaju se riječi: "(ne starija od 30 dana)".
- (7) U članu 4. stav (2) tačka (h) mijenja se i glasi:
"h) Uvjerenje nadležne Porezne uprave da supruga umrlog demobiliziranog branioca u vrijeme podnošenja zahtjeva ne ostvaruje prihode veće od 50% minimalne penzije isplaćene u Federaciji BiH za mjesec decembar prethodne godine po bilo kojem osnovu (ne starije od 30 dana)."
- (8) U članu 4. stav (2) tačka l) iza riječi: "primanja", dodaju se riječi: "organ pribavlja službenim putem".

Član 4.

(Izmjena člana 7.)

U članu 7. stav (1) riječi: "2018. godine", zamjenjuju se riječima: "prethodne godine".

Član 5.

(Novi član 7a.)

Iza člana 7. dodaje se novi član 7a. koji glasi:

"Član 7a.

(Postupak u slučaju zasnivanja radnog odnosa na određeno vrijeme)

- (1) Izuzetno, ukoliko korisnik prava na mjesečnu egzistencijalnu naknadu zasnjuje radni odnos na određeno vrijeme putem nadležne službe za posredovanje u zapošljavanju, kroz njene programe ili kod bilo kojeg poslodavca bude angažovan po osnovu ugovora o radu na određeno vrijeme, od dana zasnivanja radnog odnosa njegovo pravo miruje i obustavlja mu se isplata po ovom pravu do dana ponovnog sticanja statusa nezaposlenog lica. Navedeno se ne odnosi na korisnike novčane egzistencijalne naknade kojima je prestalo pravo na istu zbog zasnivanja radnog odnosa prije stupanja na snagu Zakona o izmjenama i dopunama Zakona o dopunskim pravima boraca-branitelja Bosne i Hercegovine, odnosno 08. marta 2024. godine.
- (2) Nadležna općinska služba za boračko-invalidsku zaštitu licima iz stava (1) ovog člana, donosi rješenje o prestanku prava sa danom zasnivanja radnog odnosa na određeno vrijeme i obustavlja se isplata po ovom pravu do dana ponovnog sticanja statusa nezaposlenog lica.
- (3) Podatke o licima sa evidencije nezaposlenih koja su ostvarivala pravo na mjesečnu egzistencijalnu naknadu, a koja zasnuju radni odnos na određeno vrijeme putem nadležne službe za posredovanje u zapošljavanju, ove

službe dužne su službeno dostaviti nadležnoj općinskoj službi za boračko invalidsku zaštitu.

- (4) Nadležne službe za posredovanje u zapošljavanju dužne su odmah obavijestiti elektronskim putem, a najkasnije u roku od sedam dana i službeno dostaviti nadležnoj općinskoj službi za boračko invalidsku zaštitu podatke o licima sa evidencije nezaposlenih koja su ostvarivala pravo na mjesečnu egzistencijalnu naknadu, a koja zasnuju radni odnos na određeno vrijeme putem nadležne službe za posredovanje u zapošljavanju.
- (5) Lice koje kod bilo kojeg poslodavca bude angažovano po osnovu ugovora o radu na određeno vrijeme, nakon zaključenja ugovora o radu, dužno je dokaz o tome odmah dostaviti nadležnoj općinskoj službi za boračko invalidsku zaštitu.
- (6) U slučaju isplate novčanih primanja nakon zasnivanja radnog odnosa na određeno vrijeme na koje lice iz stava (1) ovog člana nije imalo pravo i nije izvršilo povrat, nadležna općinska služba za boračko invalidsku zaštitu dužna je u dispozitivu rješenja o prestanku prava na novčanu egzistencijalnu naknadu, utvrditi iznos neosnovano uplaćenih novčanih sredstava za povrat na račun Budžeta Kantona Sarajevo, uz naznaku da će isto, nakon prestanka radnog odnosa po osnovu ugovora o radu na određeno vrijeme, moći nastaviti korištenje prava na novčanu egzistencijalnu naknadu, nakon povrata cijelog iznosa preuzitka.
- (7) Po isteku ugovora o radu na određeno vrijeme lica iz stava (1) ovog člana mogu nastaviti koristiti pravo na novčanu egzistencijalnu naknadu ukoliko dostave nadležnoj općinskoj službi za boračko-invalidsku zaštitu uvjerenje JU "Službe za zapošljavanje Kantona Sarajevo" da se nalaze na evidenciji nezaposlenih osoba. Nadležna općinska služba za boračko-invalidsku zaštitu dužan je pribaviti samo nužnu dokumentaciju kojom se dokazuje ispunjavanje propisanih uvjeta u momentu donošenja novog rješenja o priznavanju ovog prava, koje nakon toga podliježe nadzoru.
- (8) Nadležna općinska služba za boračko invalidsku zaštitu dužna je voditi evidenciju o licima iz stava (1) ovog člana i podatke o istim dostaviti Ministarstvu.

Član 6.

(Izmjena obrazaca zahtjeva)

Obrasci zahtjeva br. 1. i 2. zamjenjuju se novim Obrascima zahtjeva br. 1. i 2. koji su sastavni dio ove instrukcije.

Član 7.

(Stupanje na snagu)

Ova Instrukcija stupa na snagu danom donošenja, a objavit će se u "Službenim novinama Kantona Sarajevo".

Broj 06-02-10020/24
20. marta 2024. godine
Sarajevo

Ministar
Dr. sc. **Omer Osmanović**, s. r.

Obrazac zahtjeva br. 1

(Ime, ime oca i prezime podnosioca zahtjeva)_____
(Broj lične karte)_____
(Adresa i kontakt telefon)

Općina _____

Služba nadležna za boračko-invalidsku zaštitu**PREDMET:** Zahtjev za priznavanje prava na novčanu egzistencijalnu naknadu
demobiliziranog branioca

Obraćam Vam se zahtjevom da mi u skladu sa Zakonom o dopunskim pravima boraca-branitelja Bosne i Hercegovine („Službene novine Kantona Sarajevo“, br. 31/22 i 8/24) priznate pravo na novčanu egzistencijalnu naknadu

Uz zahtjev prilažem sljedeću dokumentaciju:

1. Izvod iz matične knjige rođenih (ne stariji od tri mjeseca);
2. Uvjerenje o kretanju za podnosioca zahtjeva izdato od Ministarstva unutrašnjih poslova (ne starije od 30 dana);
3. Uvjerenje izdato od nadležne Grupe/Samostalnog izvršioca za pitanja evidencija iz oblasti vojne obveze da je podnosilac zahtjeva bio pripadnik Oružanih snaga najmanje 12 mjeseci i da za istog ne postoje smetnje u smislu člana 36. Zakona o pravima branilaca i članova njihovih porodica "Službene novine Federacije BiH, br. 33/04, 56/05, 70/07, 9/10, 90/17 i 29/22)" - Uvjerenje VFMB-3a (ne starije od tri mjeseca);
4. Uvjerenje JU "Služba za zapošljavanje Kantona Sarajevo" da se podnosioc zahtjeva nalazi na evidenciji nezaposlenih osoba najmanje 1 (jednu) posljednju godinu prije podnošenja zahtjeva i da u vrijeme podnošenja zahtjeva ne prima novčanu naknadu za vrijeme nezaposlenosti (ne stariji od 30 dana);
5. Uvjerenje nadležne Porezne uprave da podnosilac zahtjeva u vrijeme podnošenja zahtjeva ne ostvaruje prihode veće od 50% minimalne penzije isplaćene u Federaciji BiH za mjesec decembar prethodne godine po bilo kojem osnovu (ne starije od 30 dana);
6. Uvjerenje nadležne službe MIO/PIO da podnosilac nije uživalac penzije, ili ukoliko jeste, uvjerenje/potvrda o visini penzije (ne starije od 30 dana);
7. Izjava podnosioca zahtjeva data pod punom materijalnom i krivičnom odgovornošću, ovjerena kod nadležnog organa da nije uživalac inostrane penzije;
8. Uvjerenja nadležne kantonalne/gradske/općinske službe za socijalnu zaštitu i Službe za boračko-invalidsku zaštitu da podnosioc zahtjeva nije korisnik stalnih mjesečnih primanja ili ukoliko jeste, potvrda o visini primanja (organ pribavlja službenim putem);
9. Potvrda banke sa brojem tekućeg računa podnosioca zahtjeva ili kopija tekućeg računa podnosioca zahtjeva.

(mjesto)_____
(Podnosilac zahtjeva)_____
(datum)

Shodno članu 5. Zakona o zaštiti ličnih podataka („Službeni glasnik BiH“ br. 40/06, 76/11 i 89/11) kao nosilac gore navedenih i dostavljenih podataka saglasan/saglasna sam da općinske službe i Ministarstvo za boračka pitanja Kantona Sarajevo vrši obradu istih u svrhu rješavanja po zahtjevu, trajno.

Obrazac zahtjeva br. 2

(Ime, ime oca i prezime podnosioca zahtjeva)_____
(Broj lične karte)_____
(Adresa i kontakt telefon)

Općina _____

Služba nadležna za boračko-invalidsku zaštitu**PREDMET: Zahtjev za priznavanje prava na novčanu egzistencijalnu naknadu za suprugu umrlog demobiliziranog branioca**

Obraćam Vam se zahtjevom da mi u skladu sa Zakonom o dopunskim pravima boraca-branitelja Bosne i Hercegovine („Službene novine Kantona Sarajevo“, br. 31/22 i 8/24) priznate pravo na novčanu egzistencijalnu naknadu

Uz zahtjev prilažem sljedeću dokumentaciju:

1. Izvod iz matične knjige rođenih (ne stariji od 30 dana);
2. Izvod iz matične knjige vjenčanih (ne stariji od 30 dana);
3. Izjava data pod punom materijalnom i krivičnom odgovornošću, ovjerena kod nadležnog organa da podnosilac zahtjeva (supruga umrlog demobiliziranog branioca) nije zasnovala novu bračnu/vanbračnu zajednicu (ne starija od 30 dana);
4. Izvod iz matične knjige umrlih za umrlog demobiliziranog branioca (organ pribavlja službenim putem);
5. Uvjerenje o kretanju za podnosioca zahtjeva izdato od Ministarstva unutrašnjih poslova (ne starije od 30 dana);
6. Uvjerenje izdato od nadležne Grupe/Samostalnog izvršioca za pitanja evidencija iz oblasti vojne obveze da je umrli demobilizirani branilac po osnovu kojeg bračni drug ostvaruje pravo bio pripadnik Oružanih snaga najmanje 12 mjeseci i da za istog ne postoje smetnje u smislu člana 36. Zakona o pravima branilaca i članova njihovih porodica "Službene novine Federacije BiH, br. 33/04, 56/05, 70/07, 9/10, 90/17 i 29/22" - Uvjerenje VFMB-3a (ne starije od tri mjeseca);
7. Uvjerenje JU "Služba za zapošljavanje Kantona Sarajevo" da se podnosilac zahtjeva nalazi na evidenciji nezaposlenih osoba i da u vrijeme podnošenja zahtjeva ne prima novčanu naknadu za vrijeme nezaposlenosti;
8. Uvjerenje nadležne Porezne uprave da supruga umrlog demobiliziranog branioca u vrijeme podnošenja zahtjeva ne ostvaruje prihode veće od 50% minimalne penzije isplaćene u Federaciji BiH za mjesec decembar prethodne godine po bilo kojem osnovu (ne starije od 30 dana);
9. Uvjerenje nadležne službe MIO/PIO da podnosilac zahtjeva nije korisnik penzije ili ukoliko jeste, uvjerenje/potvrda o visini penzije (ne starije od 30 dana);
10. Uvjerenje nadležne službe MIO/PIO da podnosilac zahtjeva nije evidentiran kao aktivni osiguranik (ne starije od 30 dana);
11. Izjava podnosioca zahtjeva data pod punom materijalnom i krivičnom odgovornošću, ovjerena kod nadležnog organa da nije korisnik inostrane penzije;
12. Uvjerenja nadležne kantonalne/gradske/općinske službe za socijalnu zaštitu i Službe za boračko-invalidsku zaštitu da podnosioc zahtjeva nije korisnik stalnih mjesečnih primanja ili ukoliko jeste, potvrda o visini mjesečnih primanja (organ pribavlja službenim putem);
13. Potvrda banke sa brojem tekućeg računa podnosioca zahtjeva ili kopija tekućeg računa podnosioca zahtjeva.

(mjesto)_____
(Podnosilac zahtjeva)_____
(datum)

Shodno članu 5. Zakona o zaštiti ličnih podataka („Službeni glasnik BiH“ br. 40/06, 76/11 i 89/11) kao nosilac gore navedenih i dostavljenih podataka saglasan/saglasna sam da općinske službe i Ministarstvo za boračka pitanja Kantona Sarajevo vrši obradu istih u svrhu rješavanja po zahtjevu, trajno.